



Lwm Tus Tau Menyuam

Third-Party Custody

Totaub Menyuam Nrog Leejtwg Nyob thiab Lwm Tus Tau Menyuam

Legal custody txhais tias koj muaj cai txiav txim tej yam tseem ceeb rau tus menyuam. Tej yam txiav txim xws li kev kho mob, kev ntseeg, thiab lawv yuav kawm ntawv qhov twg.

Physical custody txhais tias nrog tus menyuam nyob thiab saib xyuas tu tus menyuam txhua hnub.

Hauv Minnesota, yog niam txiv tsis sib yuav thaum xeeb tus menyuam lossis yug tus menyuam ces leej niam yog tib tug txiav txim siab thiab nrog tus menyuam nyob kom txog thaum tsev hais plaub txiav txim lwm yam. Leej txiv tsis muaj pojniam yuav tsum mus tsim kom muaj seb nws puas yog leej txiv ua ntej nws muaj cai thov qhov txiav txim rau tej yam tseem ceeb thiab nrog tus menyuam nyob. Xav paub ntxiv, saib peb daim ntawv qhia [Txiv yog Leejtwg thiab Menyuam Nrog Leejtwg Nyob.](#)

Niam txiv sib yuav sib koom txiav txim tej yam tseem ceeb rau thiab nrog tus menyuam nkawv yug nyob tsis tas mus hais hauv tsev hais plaub.



Lwm tus tau menyuam yog thaum tsev hais plaub muab cai rau lwm tus neeg uas tsis yog niam/txiv yug txiav txim tej yam tseem ceeb thiab nrog tus menyuam nyob. Tej zaum tus neeg no hu ua “custodian.”

Lwm tus tau menyuam txawv li cas ntawm tus neeg tsev hais plaub txiav txim muab tu menyuam rau nws tu lossis ua ntaub ntawv yuav tus menyuam?

Tsim tau tus **neeg saib xyuas** raws kevcai (guardianship) vim ntawv yam. Tej zaum yog vim:

- txoj cai ua niam ua txiv ntawm niam thiab txiv raug tshem tawm lawm
- Cov cai ntawm leej niam lossis txiv uas tseem muaj sia nyob raug tshem tawm lawm
- niam thiab txiv puav leej tuag lawm
- leej niam lossis txiv toobkas kev saib xyuas rau lawv tus menyuam uas yuav muaj 18 tiamsis muaj ib qho xiam oob qhab loj heev

Yog ua **ntaub ntawv yuav menyuam**, ces tus neeg tu los ua tus menyuam niam/txiv lawm. Rau qhov ua ntaub ntawv yuav menyuam, niam thiab txiv yug cov cai ua leej niam thiab txiv raug muab tshem tawm lawm.

Rau ntawm qhov lwm tus tau menuam, leej niam/txiv txoj cai ua niam/txiv tsis tau muab tshem tawm. Txawm yog leejtwg tau qhov lwm tus tau menuam, yeej tseem tso cai rau niam txiv xyus menuam thiab tej zaum yuav tau them nyiaj hli yug menuam.

Txawm yog leejtwg tau qhov lwm tus tau menuam, tus menuam tseem yog niam thiab txiv tus menuam los txais tau khoom ntiag tug thiab nyiaj laus “social security.”

Lwm tus tau menuam txawv li cas ntawm Lwm Tus Tu Koj Tus Menuam (DOPA)?

Qhov DOPA yog tsim tsa los ntawm niam txiv thaum lawv xav kom lwm tus tu nkawv tus menuam ib ntus. Qhov DOPA tsis yog ua hauv tsev hais plaub. Niam/txiv xaus qhov DOPA thaum twg los tau. Saib peb daim ntawv qhia tseeb [Muab Cai Rau Lwm Tus Tu Koj Tus Menuam \(DOPA\).](#)

Qhov lwm tus tau menuam yog pib los ntawm lwm tus uas tsis yog niam/txiv, thaum tus neeg ntawd xav tu tus menuam mus tas ib sim. Tsuas yog tsev hais plaub thiaj li ua tau qhov lwm tus tau menuam xwb.

Vim li cas kuv thiaj xav tau qhov lwm tus tau menuam?

Yog koj tu ib tug menuam hauv koj lub tsev, ntawm qhov lwm tus tau menuam yuav muab cia rau koj:

- nrhiav kev kho mob, cu npe kawm ntawv tom tsev kawm ntawv, thiab muab lub tsev nyob ruaj ntseg, ruaj khov, thiab tsis txav chaw rau tus menuam.
- teem cai meej thiab ua tau txog tej yam xws li tus menuam yuav nyob qhov twg thiab yuav muab niam txiv sijhawm xyus menuam zoo li cas rau niam txiv.
- kom paub tseeb tias niam/txiv yuav coj tsis tau menuam tim tsev kawm ntawv, rhuav tshem tsev kawm ntawv, lwm yam kev ua si, thiab tus menuam txoj kev ruaj khov.
- muaj feem tau nyiaj hli yug menuam ntawm niam thiab txiv thiab
- lub luag peevxwm los tiv thaiv tus menuam lub cev thiab kev noj qab nyob zoo yog tias niam txiv muab tsis tau qhov chaw nyob ruaj khov thiab noj qab nyob zoo rau tus menuam.



Mus Tom Tsev Hais Plaub

Yog koj xa thov kom tau lwm tus tau menuam los nrog koj nyob, koj yuav tsum qhia kom tau tias koj muaj cai “tsim nyog.” Tsev hais plaub tsuas saib cov lus thov txog lwm tus tau menuam yog tias nws muaj cai “tsim nyog.” Qhov no txhais tau tias koj yuav tsum qhia kom tau tias koj yog tus tu thiab siv nyiaj rau tus menuam **“de facto custodian”** lossis ib tug txaus siab **“interested third-party”**.

Kuv puas yog tus tu thiab siv nyiaj rau tus menuam “de facto custodian”?

Koj yog tus tu thiab siv nyiaj rau tus menuam yog koj qhia tau kom meej thiab txaus ntseeg tias:

- Koj yog tus tu tus menuam ntau tshaj
- Tus menuam niam thiab txiv tsis koom tes nrog tu tus menuam thiab
- 2 xyoo ua ntej ua daim ntawv thov no, tus menuam nrog koj nyob tsis nrog niam txiv, tau
 - Tsawg kawg yog 6 hli yog tus menuam yau tshaj 3 xyoo lossis
 - Tsawg kawg yog 1 xyoo yog tus menuam muaj 3 xyoo lossis loj dua.

Piv ntxwv: Koj tus xeeb ntxwv muaj 2 xyoo. Koj tus ntxhais hais kom koj tu nws kom koj tus ntxhais pab tau nws tus kheej tso. Nws twb nyob nrog koj ntev tshaj 6 hli lawm. Koj tus ntxhais tsis nrog koj nyob, tabsis ob peb hlis twg nws tuaj xyuas neb ib zaug thiab nyob ob peb teev. Koj nrhiav tau qhov chaw zov menuam, koj coj nws mus kuaj mob thiab muab zaub mov rau nws noj, yuav khaub ncaws rau nws hnav thiab muaj lub tsev ruaj khov rau nws nyob. Koj tus txhais tsis them nyiaj rau tus menuam tej khoom toobkas, tsis pab nrhiav chaw zov menuam, thiab tsis coj nws mus ntsib kws kho mob. **Koj yog tus tu thiab siv nyiaj rau tus menuam.**



Piv ntxwv: Koj tus muam, kwv los tij laug tus tub thiab nws tus ntxhais muaj 4 xyoo nrog koj nyob tau 2 xyoo lawm. Koj zos nws tus ntxhais nruab hnub thaum nws ua haujlwm. Ntau hmo, nws los tsev tom qab lawb haujlwm los siv sijhawm nrog nws tus ntxhais thiab coj nws mus pw. Tabsis koj xav tias nws yuav tsum siv sijhawm ntau dua nrog nws tus ntxhais thaum vas xaum vas thiv thaum nws tsis ua haujlwm. Nws tsis them nqi tsev tabsis kuj yuav khoom noj rau tsev neeg thiab them tagnrho nws tus ntxhais tej khaub ncaws, khoom si, thiab kev ua si. **Koj tsis yog tus tu thiab siv nyiaj rau tus menuam.**

Nrog rau qhov qhia tias koj yog tus tu thiab siv nyiaj rau tus menuam, koj yuav tsum qhia kom tau rau tsev hais plaub tias yog ib qho “zoo dua rau tus menuam” yog koj tau nws los nrog koj nyob. (saib hauv qab)

Kuv puas yog ib tug txaus siab “interested third-party”?

Koj yog ib tug txaus siab yog koj qhia tau meej thiab txaus ntseeg tias koj muaj txoj kev sib raug zoo nrog tus menuam thiab 1 yam ntawm cov hauv no:

- Niam/txiv tau muab tus menuam tso tseg lawm, lossis tsis tu tus menuam kev noj qab hauv huv txog theem tsis ruaj ntseg/raug mob rau tus menuam yog nyob nrog niam/txiv.
- Tus menuam ntsib kev raug mob rau lub cev thiab kev puas siab puas ntsws, ces tso tus menuam nrog koj tseem ceeb tshaj qhov menuam thiab niam txiv txoj kev ua niam/txiv tub lossis
- Muaj lwm yam tseem ceeb heev tshwm sim.

Nrog rau qhov qhia tias koj yog ib tug txaus siab, koj yuav tsum qhia kom tau rau tsev hais plaub tias nws yog ib qho “zoo dua rau tus menuam” yog koj tau nws los nrog koj nyob. Koj yuav tsum qhia kom tau tias koj tsis tau raug txim dua. Piv ntxwv txim yog tua neeg, nyiag neeg, ua phem/ntau neeg, tsim txom menuam, thiab tsis saib tsis xyuas menuam.

Rau cov plaub lwm tus tau menuam, tsev hais plaub txiav txim tias qhov zoo dua rau tus menuam li cas?

Tsev hais plaub los saib cov hauv qab no thaum txiav txim qhov twg yog qhov zoo dua rau tus menuam:

1. Cov neeg koom tes xav yuav dabtsi hais txog leejtwg tau menuam?
2. Tus menuam xav yuav dabtsi? (yog tsev hais plaub pom tau tias tus menuam muaj hnub nyoog txaus los hais seb nws nyiam li cas)
3. Leejtwg yog tus saib xyuas tu tus menuam tshaj?
4. Tus menuam txoj kev sib nraug zoo li cas nrog cov neeg laus?
5. Tus menuam coj li cas nrog tus/cov neeg, nus thiab vivncaus, thiab lwm tus neeg uas tej zaum yuav cuam tshuam qhov zoo dua rau tus menuam.
6. Tus menuam txoj kev haum vaj tse, tsev kawm ntawv, thiab zej zog.
7. Tus menuam nyob ntev li cas hauv lub tsev ruaj khov, cov chaw ib puag ncig thiab yog cia zoo li no mus puas zoo tshaj?
8. Tsev neeg tamsim no lossis tsev neeg thov tau tus menuam ruaj npaum li cas?
9. Txhua tus koom tes txoj kev puas siab puas ntsws thiab kev noj qab nyob zoo
10. Sawvdaws muab puas tau kev hlub, kev puag qawm, thiab coj qhia rau tus menuam? Lawv qhia thiab tu puas tau tus menuam raws nws kev cai dab qhuas thiab kev ntseeg, yog tseem ceeb?
11. Tus menuam kab lis kev cai yog abtsi?
12. Tus neeg txoj kev ua phem ua li cas rau tus menuam, yog muaj sib ntaus/ceg ntawm niam thiab txiv lossis lwm cov neeg?




Tsev hais plaub siv tsis tau ib yam los txiav txim txog lwm tus tau menuam. Lawv yuav tsum muab txhua nqe lus los saib thiab coj los xav thiab piav tias vim li cas lawv thiaj txiav txim tau qhov zoo dua rau tus menuam.

Pib hais plaub li cas?


Yog koj qhia tau tias koj yog tus tu thiab siv nyiaj rau tus menuam lossis ib tug txaus siab, koj ua ntawv hais plaub tau. Ua ntej, koj yuav tsum ua daim ntawv “Petition for Third-Party” hauv tsev hais plaub rau tsev neeg hauv lub nroog tus menuam nyob lossis qhov chaw hais rooj plaub leejtwg tau menuam lossis sib nrauj uas muaj tus menuam nyob hauv. Yog rooj plaub hais tus menuam nrog leejtwg nyob twb pib lawm, koj mauj feem nug tsev hais plaub cia koj cuam tshuam rooj plaub ntawm.

Koj muab tau [nrhiav daim ntawv](http://nrhiav.daim.ntawv) ntawm www.mncourts.gov (lus Askiv xwb)



- Nias rau “Get Forms”
- Nias rau “Child Custody / Parenting Time”
- Mus hauv qab kom txog “Establishing Third-party Custody of Someone Else’s Child Forms” Yog koj tsis paub koj toobkas cov ntawv twg, zoo dua yog koj xaiv qhov (PACKET) thiab nyeem kom tag cov lus qhia.

Koj mus muab tau cov ntawv no tim tsev hais plaub chav pab koj tus kheej (Self-Help Center) lossis tsev nqi ntawv lij choj (law library) nyob ze koj. Tej zaum yuav muaj tus nqi them rau cov ntawv no.



Ua li cas tom qab kuv ua ntaub ntawv hauv tsev hais plaub?

Daim ntawv thov, nrog rau cov ntawv hu tuaj hais plaub, yuav tsum xa mus cob kiag rau tus menuam niam thiab txiv, tus saib xyuas lossis tus neeg tsev hais plaub tso cai siab tus menuam. Tabsis koj nqa cov ntawv no mus cob rau niam thiab txiv tsis tau. Yog koj tsis paub niam thiab txiv nyob qhov twg, tej zaum tsev hais plaub kam koj qhia rau lawv paub lwm txoj kev, tabsis koj yuav tau nug tsev hais plaub kom tso cai ua li ntawm.

Thaum niam txiv txais tau cov ntawv lawm, nkawv cia li kav liam tsis hais rooj plaub, cuam tshuam rooj plaub, lossis txhawb koj daim ntawv thov.

Yog niam txiv xav cuam tshuam rooj plaub, nkawv muaj 21 hnub thaum tau txais cov ntawv hu tuaj hais plaub thiab daim ntawv thov los ua daim ntawv Teb. Daim ntawv Teb yog daim ntawv sau teb cov lus rau tsev hais plaub. Cov niam txiv yuav tsum xa daim ntawv mus rau tus/cov neeg tuaj foob nws.

Ua li cas yog niam txiv tsis ua daim ntawv Teb?

Yog niam txiv las mees koj daim ntawv thov, thiab tsis ua daim ntawv Teb, tej zaum tsev hais plaub yuav cia li txiav txim rau koj. “Default” yog lus txiav txim los ntawm tsev hais plaub thaum muaj ib tug tsis tuaj hais plaub.

Txawm yog tias tog tod tsis teb, los koj yeej tseem tau mus tim tsev hais plaub mus qhia koj cov povthawj tias koj yog tus tu thiab siv nyiaj rau tus menuam lossis lwm tus neeg txaus siab, thiab nws yog qhov zoo dua rau tus menuam yog tus menuam nrog koj nyob.

Ua li cas yog niam txiv tawm tsam daim ntawv thov?

Yog niam txiv yuav tawm tsam daim ntawv txog menuam nrog leejtwg nyob, tej zaum yuav tuaj hais plaub ob peb zaug thiaj txiav txim tau tias koj puas yog tus tu thiab siv nyiaj rau menuam lossis lwm tus neeg txaus siab, thiab nws yog qhov zoo dua rau tus menuam yog muab nws rau koj. Txhua lub nroog nyias muaj nyias cov txheej txheem txiav txim rau cov plaub txog menuam nrog leejtwg nyob.

Hais Plaub Thawj Zaug: Feem ntau, thaum thawj zaug tuaj hais plaub, tsev hais plaub txiav txim seb puas muaj lus ntxaus hauv koj daim ntawv thov rau rooj plaub hais ntxiv mus yav tom ntej. Yog yuav hais mus tom ntej, tsev hais plaub yuav tsum pom tau qhov “prima facie finding.” Qhob no txhais tias tsev hais plaub muab koj daim ntawv thov thiab cov ntawv koj muab nrog koj daim ntawv thov los saib seb puas ntxaus li cov kevcai teem txog lwm tus tau menuam.

Piv ntxwv: Koj daim ntawv thov hais tias tsis ruaj ntseg rau tus menuam nrog nws niam nws txiv nyob, tabsis koj tsis qhia ntxaws tias abtsi. Tej zaum tsev hais plaub yuav muab koj daim ntawv thov tshem tawm.

Yog tsev hais plaub txiav txim tias koj daim ntawv thov muaj lus ntxaus hais rooj plaub, tej zaum tsev hais plaub yuav txiav txim ib ntus txog menuam nrog leejtwg nyob, niam txiv sijhawm xyuas menuam, lossis nyiaj hli yug menuam. Tej zaum tsev hais plaub kuj kom sawvdaws mus nrhiav tej yam kev sib kho.

Sib Kho “Mediation”: Sib kho yog ib txoj kev zoo los sim thiab kho kev tsis sib haum txog menuam nrog leejtwg nyob. Tus “mediator” pab sib kho yog kawm tawm thiab tsis tuaj leejtwg tog. Tus pab sib kho pab sawvdaws los koom tes ua ke thiab nrhiav ib txoj kev sib kho kom sib haum. Tej zaum yeej nyuab, tabsis nws yuav zoo dua rau tus menuam yog tias sawvdaws ua haujlwm ua ke los tsim tsa lub tsev ruaj ntseg thiab ruaj khov rau tus menuam.



Tom qab sib kho tag, feem ntau tsev hais plaub teem sijhawm los saib seb sib tham puas sib haum li. Yog sawvdaws tham tsis haum li, tsev hais plaub teem rooj plaub tuaj mloog cov povthawj, lossis rooj plaub muaj yeej muaj swb.

Rooj Plaub Muaj Yeej Muaj Swb: Ntawm rooj plaub muaj yeej muaj swb, koj yuav tsum muaj povthawj qhia kom tau tias koj yog tus tu thiab siv nyiaj rau tus menuam lossis ib tug neeg txaus siab, thiab nws zoo dua rau tus menuam yog nws nrog koj nyob. Koj qhia tias koj tsim nyog yav tag, tamsim no koj yuav tsum muaj povthawj zoo los txhawb koj cov lus. Thaum hais rooj plaub muaj yeej muaj swb, sawvdaws yuav tsum muab povthawj los txhawb lawv rooj plaub menuam nrog leejtwg nyob. Piv ntxwv povthawj yog ntaub ntawv hauv tsev kawm ntawv, ntaub ntawv kho mob, duab, lossis lus ntaus hauv xov tooj, uas qhia cov lus koj sau rau hauv daim ntawv thov muaj tseeb tiag.

Yog niam txiv xav muab menuam nrog kuv nyob ne?

Yog niam txiv pom zoo cia koj ua lwm tus tau menuam, koj yeej tseem tau mus hauv tsev hais plaub. Ua daim ntawv thov thiab xa mus li piav saum toj sauv thiab tos lub sijhawm tuaj hais plaub. Ntawm rooj plaub, koj thiab niam txiv mam li qhia tsev hais plaub txog nej qhov pom zoo menuam nrog leejtwg nyob. Tsev hais plaub mam li txiav txim seb nej qhov lus pom zoo puas yog qhov zoo dua rau tus menuam. Yog tsev hais plaub txiav txim tias txhua yam zoo lawm, ces nws pom zoo qhov menuam nrog leejtwg nyob. Qhov no hu uas lus tso cai pom zoo menuam nrog leejtwg nyob “custody consent decree”.

Daim ntawv txiav txim muab cai rau koj los txiav tej yam txim tseem ceeb thiab tus menuam nrog koj nyob. Qhov lus txiav txim yuav tsum hais tias koj muaj cai txiav txim txog kev kho mob, kev ntseeg, tus menuam nyob qhov twg thiab mus kawm ntawv qhov twg. Tsis tas li ntawd, koj muaj cai muab khoom thiab tsoom fwv kev pab rau tus menuam li koj yog nws niam/txiv.

Tsev hais plaub daim ntawv txiav txim yuav tsum hais tias qhov lwm tus neeg tau menuam yog ib ntus los yog tas mus sim neej thiab qhia txog nyiaj hli yug menuam thiab niam txiv sijhawm xyuas menuam.

Kuv yuav ua li cas yog muaj xwm ceev?

Feem ntau, niam txiv kam lwm tus tu lawv cov menuam, tsuav lawv tsis txhob ua plaub abtsi. Tej zaum qhov no yuav hloov thaum lawv tau txais koj daim ntawv hu tuaj hais plaub thiab ntawv thov ua lwm tus tau menuam. Tej zaum lawv yuav chim thiab tuaj coj tus menuam. Koj hais tsis tau kom niam txiv tsis txhob coj menuam yog koj tsis muaj daim ntawv xwm ceev tau menuam ib ntus.



Yog koj ntshai tias tsam niam txiv tuaj coj tus menuam, thiab yuav muaj xwm txheej, nug txog daim ntawv xwm ceev tau menuam ib ntus tib lub sijhawm thaum koj ua daim ntawv lwm tus tau menuam. Qhov kev ua no hu uas “ex parte”. Txoj kev yuav ua qhov no yuav txawv ib lub nroog rau ib lub nroog ces mus tham nrog koj qhov chaw Pab Koj Tus Kheeb (Self-Help Center) lossis Neeg ua Haujlwm Hauv Tsev Hais Plaub (Court Administration) kom paub ntxiv.

Kuv thov puas tau nyiaj tsoom fwv rau tus menuam?

Yog koj yog tus txiav txim tej yam tseem ceeb thiab tau tus menuam nrog koj nyob, pom tau tias tus menuam ntawd li yog koj tus. Koj suav tau tias nws yog koj tus menuam rau ua ntaub ntawv tsoom fwv pab. Yog koj twb tau txais kev pab lawm, qhia txog tau tus menuam nrog koj nyob thiab tej zaum koj yuav tau nyiaj ntau mensis ntxiv.

Tej zaum yuav muaj lwm yam kev pab koj thiab. Nug tus neeg ua haujlwm pab koj.

Qhov lwm tus tau menuam kav ntev li cas?

Qhov txiav txim rau lwm tus tau menuam yog mus tas sim neej. Tabsis, sawvdaws hais tau kom tsev hais plaub hloov qhov txiav txim menuam nrog leejtwg nyob tom qab tau ib xyoo thiab lawv ua raws li tej kev yuav tsum tau ua. Qhov no hu uas hloov menuam nrog leejtwg nyob (custody modification). Tabsi yuav kom tsev hais plaub hloov menuam nrog leejtwg nyob tsis yoojyim. Txoj kev hloov menuam nrog leejtwg nyob rau lwm tus tau menuam yog zoo tib yam li hloov menuam nrog leejtwg nyob ntawm niam txiv yug.



Saib peb daim ntawv qhia tseeb [Txiv yog Leejtwg thiab Menuam Nrog Leejtwg Nyob](#). (saib *Hloov qhov tus menuam nrog leejtwg puas tau?*)

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tsuv yim. Tsis txhab siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2024 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.